

Publication	Berita Harian	Section /Page No.	Bisnes/Front Page & B2
Date	Sat, 8 th Oct 2016	Lead Article	Yes
Headline	TERAJU Jana Pelaburan RM93.85b Setakat Ogos		

TERAJU jana pelaburan RM93.85b setakat Ogos

→ Pelaburan bernilai RM93.85 bilion dan lebih 10,000 peluang perniagaan diwujudkan menerusi pelbagai program serta inisiatif dilaksanakan Unit Peneraju Agenda Bumiputera (TERAJU) di seluruh negara setakat 31 Ogos lalu. Menteri di Jabatan Perdana Menteri, Datuk Abdul Rahman Dahlan (**gambar**) yang bertanggungjawab menyelia TERAJU berkata, kejayaan besar adalah hasil kerjasama Kerajaan Persekutuan bersama kerajaan negeri dan TERAJU serta agensi wilayah pembangunan koridor, syarikat milik kerajaan (GLC) dan swasta, dengan matlamat utama memastikan penyertaan Bumiputera dalam ekonomi lebih bermakna dan mapan.

→ Lihat Ms.B2



Sesi dialog bersama Husni (dua dari kiri) pada Program Outreach TERAJU dan Engagement Dana Mudahcara Sipadan Mangrove Resort, di Tawau, semalam.

Pelaburan Dana Mudahcara RM12.59b

TERAJU diharap turun padang beri maklumat dana, latihan

Oleh Suffian A Bakar
suffian@bh.com.my

Pelaburan bernilai RM93.85 bilion dan lebih 10,000 peluang perniagaan diwujudkan menerusi pelbagai program serta inisiatif yang dilaksanakan Unit Peneraju Agensi Bumiputera (TERAJU) di seluruh negara setakat 31 Ogos lalu.

Menteri di Jabatan Perdana Menteri, Datuk Abdul Rahman Dahlan, yang bertanggungjawab menyelia TERAJU berkata, jumlah itu dijana menerusi 27 program

induk dan inisiatif yang dilaksanakan.

Katanya, kejayaan besar itu adalah hasil kerjasama Kerajaan Persekutuan bersama kerajaan negeri dan agensi serta agensi wilayah pembangunan koridor, syarikat milik kerajaan (GLC) dan swasta, dengan matlamat utama memastikan penyertaan Bumiputera dalam ekonomi lebih bermakna dan mapan.

Pemberian insentif atau geran
“Pelaburan daripada Dana Mudahcara adalah antara pelaburan swasta Bumiputera menerusi TERAJU dengan 432 projek diluluskan, membabitkan nilai pelaburan RM12.59 bilion setakat 31 Ogos 2016.

“Di Sabah, sejumlah RM99.35 juta menerusi Dana Mudahcara diluluskan bagi 41 projek dengan nilai pelaburan swasta sebanyak RM879.45 juta, ia merangkumi pelbagai sektor dan dijangka menjana 3,000 peluang pekerjaan baharu,” katanya.

Beliau berkata demikian ketika merasmikan Program Outreach TERAJU dan Engagement Dana Mudahcara Sipadan Mangrove Resort, di Tawau, semalam.

Yang turut hadir, Pembantu Menteri Pembangunan Sumber dan Teknologi Maklumat negeri, Datuk Hamisa Samat; Ketua Pegawai Eksekutif TERAJU, Datuk Husni Salleh dan Pengarah Urusan SMR Aquaculture Sdn Bhd, John Nip Wing Hon.

Abdul Rahman berkata, TERAJU serta Lembaga Pelaburan dan Pembangunan Ekonomi Sabah (SEDA) melalui Dana Mudahcara Bumiputera, memberi insentif atau geran sebagai *tipping point* kepada inisiatif pelaburan swasta sehingga 15 peratus daripada jumlah nilai kos projek.

“Projek ladang solar milik SMR Aquaculture Sdn Bhd adalah antara projek yang menerima insentif atau geran ini,” katanya.

Turun padang
Pada sidang media selepas itu,

Fakta nomor

RM93.85

BILION
pelaburan,
perniagaan
diwujudkan TERAJU

RM99.35

JUTA
jumlah Dana
Mudahcara
diluluskan di Sabah

Rahman berharap TERAJU akan turun padang khususnya wilayah yang jauh dari Kuala Lumpur bagi memberi maklumat berkaitan dana dan latihan disediakan kerajaan.

“Kita mahu lebih ramai usahawan di Sabah mendapat maklumat lebih awal sama seperti di Semenanjung dan Sarawak, berkaitan dana atau latihan disediakan,” katanya.

Beliau turut mencadangkan pihak pengurusan pertengahan dalam GLC di Sabah mengambil peluang belajar dalam aspek pengurusan pentadbiran dan kewangan dengan GLC berjaya di Semenanjung seperti Khazanah Nasional Bhd dan Perbadanan Usahawan Nasional Berhad (PUNB).

“Sementara menunggu menjadi ketua pegawai eksekutif (CEO) sebagai contoh, mereka boleh belajar daripada GLC seperti Khazanah yang mempunyai pengurusan bertaraf dunia. Ia kerana GLC di Sabah mempunyai potensi besar untuk dimajukan,” katanya.